



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-04-55454-~~14~~/24
Sarajevo, 4.02.2025. godine

SKUPŠTINA KANTONA SARAJEVO
- ovdje -

PREDMET: Odgovor na zastupničku inicijativu – zastupnica Elza Gaković

Zastupnica Elza Gaković je Ministarstvu za odgoj i obrazovanje Kantona Sarajevo na 19. radnoj sjednici Skupštine Kantona Sarajevo, uputila je zastupničku inicijativu, u skladu sa članom 212, stav (2) Poslovnika Skupštine Kantona Sarajevo, citiramo:

„Upućujem zastupničku inicijativu da se uradi analiza shodno novim Pedagoški standardima i Programu Vlade Kantona Sarajevo za sufinansiranje produženog boravka za škole na području Kantona Sarajevo, a vezane su za produženi boravak.

Provedena analiza treba ići u pravcu:

- *Koje to škole na području Kantona Sarajevo nemaju produženi boravak?*
- *Da li postoji zainteresovanost za uvođenje produženog boravka u osnovnim školama u kojima nemamo produženi boravak?*
- *Da li postoje uslovi u tim školama za uvođenje produženog boravka?“.*

ODGOVOR:

Ministarstvo za odgoj i obrazovanje Kantona Sarajevo podržalo Vašu inicijativu, te je provedeno navedeno istraživanje. Utvrđeno je da je produženi boravak organizovan u 46 škola, kao javnih ustanova na području Kantona Sarajevo i 6 privatnih osnovnih škola.

Ukupno 24 škole nemaju prostorne kapacitete, a postoji interes od strane roditelja za produženim boravkom njihove djece u školi dok jedna škola ima prostorne kapacitete ali ne postoji interes roditelja.

Većina škola ima iste probleme, a tiču se nedostatka prostornih kapaciteta ali postoje i slučajevi gdje se radi o starijim školskim zgradama, čija konstrukcija ne bi mogla izdržati naknadna dograđivanja ili se radi o neriješenim imovinsko-pravnim odnosima.



Osnovne škole koje u saradnji sa Arhitektonskim fakultetom rade na izradi idejne skice za nadogradnju školskog objekta ili unutrašnje pregrađivanje prostorija u kojima bi bio realiziran produženi boravak učenika su:

- OŠ „6. mart“ Hadžići, OŠ „Hadžići“ Hadžići, OŠ „9. maj“ Pazarić, OŠ „Hilmi ef. Šarić“ Tarčin, Treća osnovna škola Ilidža, Četvrta osnovna škola Ilidža, Sedma osnovna škola Ilidža, Osmo osnovna škola Ilidža, Deseta osnovna škola Ilidža, OŠ „Mirsad Prnjavorac“ Vogošća, OŠ „Zahid Baručija“ Vogošća, OŠ „Porodice ef. Ramić“ Vogošća, OŠ „Behaudin Selmanović“, OŠ „Skender Kulenović“ i OŠ „Avdo Smailović“.
- OŠ „Podlugovi“ Ilijaš je uspostavila saradnju sa Arhitektonskim fakultetom. Općinska služba za urbanizam teren oko škole proglasila nepovoljnim za gradnju zbog plinovoda i blizine glavne saobraćajnice.
- U OŠ „Musa Ćazim Ćatić“ nije organiziran produženi boravak zbog nedostatka prostora. Iz škole navode da nije dozvoljeno dograđivanje jer je zgrada pod posebnom zaštitom Kantonalnog zavoda za zaštitu spomenika kulture. Škola pronalazi načine kako prilagoditi prostor za produženi boravak za narednu školsku godinu.
- U Katoličkom školskom centru postoji boravak u vidu internata koji je organiziran od strane Vrhbosanske nadbiskupije.
- U Centru za govornu i slušnu rehabilitaciju postoje prostorni kapacitet ali nemaju sredstva za opremanje prostorija niti kadrovske kapacitete.
- U OŠ „Pofalići“ navode da je školska zgrada izgrađena kao montažna kuća. Ministarstvo za odgoj i obrazovanje je uputilo Školu da kontaktira Općinu Novo Sarajevo kako bi se utvrdilo šta je predviđeno regulacionim planom i koliko bi koštala investicija.
- U OŠ „Izet Šabić“ Hotonj je urađen idejni projekt ali nije dobijena dozvola za gradnju zbog neriješenih imovinsko-pravnih odnosa.
- U OŠ „Sokolje“ za realizaciju produženog boravaka trebalo bi uraditi proširivanje objekta, a za to još nisu stečeni uslovi jer Škola ima građevinsko-tehničkih problema koji se trebaju utvrditi i otkloniti da bi se pristupilo realizaciji.
- OŠ „Srednje“ Ilijaš ima prostorne kapacitete ali nema interesa od strane roditelja za organizaciju produženog boravka.
- OŠ „Zaim Kolar“ Trnovo nije još sprovela anketu smatrajući da nema interesa za produženi boravak. Ukoliko u narednom periodu bude iskazan interes, Škola ima prostorne kapacitete za njegovu realizaciju.

U skladu sa Programom sufinansiranja troškova produženog boravka za učenike od prvog do četvrtog razreda osnovne škole u osnovnim školama kao javnim ustanovama na području Kantona Sarajevo („Službene novine Kantona Sarajevo“, broj: 36/24) iz Budžeta Kantona Sarajevo *finansirat će se sljedeći troškovi provedbe programa produženog boravka:*

-adaptacija i opremanje prostora za organizaciju produženog boravka

-bruto plaće i naknade troškova zaposlenih radnika u produženom boravku

-režijski troškovi i didaktički materijal i dio troškova ishrane

Podsjećamo da roditelji učenika, u skladu sa navedenim Programom sufinansiranja, koji su korisnici programa produženog boravka snose dio troškova ishrane u fiksnom iznosu od 140,00 KM mjesečno.

Za učenike koji nastavu pohađaju prema individualno prilagođenom programu troškovi produženog boravka se sufinansiraju u potpunosti.



Adresa: Reisa Džemaludina Čauševića 1, 71 000 Sarajevo


Tel: + 387 (0) 33 562-128

Web: <http://mo.ks.gov.ba>, E-mail: mo@mo.ks.gov.ba

Napominjemo, Ministarstvo svake godine, nakon usvajanja Budžeta, školama dostavi uputstvo za realizaciju Budžeta, između ostalog se to odnosi i na *Sredstva za izradu projektne dokumentacije odgojno-obrazovnih ustanova, kao i Rekonstrukciju i investiciono održavanje.*

Ukoliko se škole, u skladu sa gore navedenim, obrate Ministarstvu zahtjevom za izradu projektne dokumentacije ili imaju spremne projekte Ministarstvo će iste podržati.

S poštovanjem,



Dostaviti

- Elza Gaković, zastupnica u Skupštini Kantona Sarajevo,
- A/a.

